



20. november 2008

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

Akilerartarnermi Aqutsisoqarfiup (Skattestyrelsen) allaffissornikkut ingerlatsiviata Aalborg-imut nuunneqarnera pillugu Naalakkersuisunut apeqquteqaat.
(Inatsisartunut ilaasortaq Jens B. Frederiksen, Demokraatit)

Tunngavigisaq

Aningaasaqarnermut Naalakkersuisup tallimanngormat 14. november 2008 oqaluttuaraa Akilerartarnermi Aqutsisoqarfik Aalborg-imi Danmark-imi immikkoortortaqarfimmik aallartitsitsisimasoq. Taamatut pilersitsisimanermut tunngavigineqartut ilaat tunngavigalugu nunatsinni sulisussanik naammattunik ilinniagalinnik pissarsiniarnerup ajornartorsiutaanera. Tamakkua tunuli-aqutaralugit Naalakkersuisunut makkunanga apeqquteqaateqarniarpunga:

1. Akilerartarnermi Aqutsisoqarfiup immikkoortortaqarfia sorleq Danmark-imi pilersinnerqarpa?
2. Danmark-imi immikkoortortaqarfimmi sulisut qassit sulisorineqarpat?
3. Aqutsisoqarfiup immikkoortortaqarfiani sulisut toqqaannartumik Nuummi najugaqannginerisa kingunerisaannik Nuup Kommuniata akileraarutitigut annaasaqaatissai aammalu kommunerujussuannortussami Kommuneqarfik Sermersooq-mi akileraarutitigut annaasaqaatissaat qanoq annertutigissappat?
4. Kalaallit-nunaanni sulisussanik ilinniarsimasunik pissarsiniarnerup ajornakusoortuunerata kingunerisaanik immikkoortortaqarfinnik aqutsisoqarfinnillu allanik Naalakkersuisut nuusinissamut pilersaaruteqarnerlutik?
5. Pisortat suliffeqarfiutaanik allanik allatut ajornartumik avammut annissuilernissaq pinaveersaartinniarlugu Naalakkersuisut suliniutinik sunik aallartitsinissamik pilersaaruteqarpat?

Namminersornermut isumaqatigiissut akuerineqassagaluarpas akisussaaffiit allat 32-t tiginissaat periarfissaqalertussaavoq.

6. Akisussaaffiit tiguineqarsinnaalersussat tigooqqarnerinut atatillugu suliffissarpassuit tigooqarnerqalersussaapput, Naalakkersuisut qanoq ilillutik sulisussarpassuit naleqquttunik ilinniagaqarsimasut nunatsinni sulilernissamut kajungernerulersinniassavaat?



7. Naalackersuisut qanoq ilillutik akisussaaffinnut tiguneqartussanut 32-iusunut sulisussanik naleqquttunik ilinniagalinnik sulisoqalernissaat qulakkiissamaarpaat?
8. Akisussaaffinnit 32-iusunit akisussaaffiit qassit Danmark-imut inissinneqassappat, tassa Kalaallit-nunaanni sulisussanik naleqquttumik ilinniarsimasumik pissarsinissap ajornartorsiutaaneramik peqquteqartumik.
9. Taakkualu nunatsinnut akileraartussaannnginnerannik peqquteqartumik akileraarutititgut isertassaraluatigut annaasaqaatissat qanoq annertutigaat?

Naalackersuisut qinnuvigineqassapput sapinngisamik piaartumik aammalu nalinginnaasumik ullut suliffiusut qulit qaangiutinnginnerini akissuteqarfiginissaat kissaatigaarput.